



Broj: 07-45-1803-2/24
Sarajevo, 20.05.2024. god.

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj: 31/16), člana 13. Zakona o javnim nabavkama ("Službeni glasnik BiH", broj: 39/14 i 59/22), člana 4. stav (4) Pravilnika o uspostavljanju i radu komisije za nabavke ("Službeni glasnik BiH", broj: 103/14 i 49/23), Pravilnika o javnim nabavkama u Zavodu za planiranje razvoja Kantona Sarajevo („Službene novine Kantona Sarajevo“, broj: 17/23), te Odluke o pokretanju postupka nabavke usluga: Izrada studije „Upotrebna vrijednost i višenamjensko vrednovanje poljoprivrednih površina Kantona Sarajevo sa stanovišta specifičnih namjena i zahtjeva“ za potrebe izrade Prostornog plana Kantona Sarajevo, br. 07-45-1803-1/24 od 20.05.2024. godine, direktor Zavoda donosi

RJEŠENJE

o imenovanju Komisije za javnu nabavku usluga:

Izrada studije „Upotrebna vrijednost i višenamjensko vrednovanje poljoprivrednih površina Kantona Sarajevo sa stanovišta specifičnih namjena i zahtjeva“ za potrebe izrade Prostornog plana Kantona Sarajevo putem otvorenog postupka provođenjem e-Aukcije

U cilju provođenja postupka javne nabavke usluga: Izrada studije „Upotrebna vrijednost i višenamjensko vrednovanje poljoprivrednih površina Kantona Sarajevo sa stanovišta specifičnih namjena i zahtjeva“ za potrebe izrade Prostornog plana Kantona Sarajevo, imenuje se Komisija za javnu nabavku u sljedećem sastavu:

1. Jasmin Taletović – Predsjednik komisije
2. Haris Čitak – Član
3. Mirela Šljivo – Član

Sekretar komisije: Edina Krnić-Ajanović

Za zamjene članova komisije i sekretara, član 3. Pravilnika o uspostavljanju i radu komisije za nabavke ("Službeni glasnik BiH", broj: 103/14) imenuje se:

1. Merima Kapetanović – Predsjednik komisije
2. Nedim Đuzo – Član
3. Feđa Ševkušić – Član

Sekretar komisije: Semra Šenturk

Zadatak Komisije za javnu nabavku usluga: Izrada studije „Upotrebna vrijednost i višenamjensko vrednovanje poljoprivrednih površina Kantona Sarajevo sa stanovišta specifičnih namjena i zahtjeva“ za potrebe izrade Prostornog plana Kantona Sarajevo je da shodno čl. 13. i 64. stav (1),

tačka b) Zakona o javnim nabavkama („Službeni glasnik Bosne i Hercegovine“ br. 39/14 i 59/22) i čl. 16. i 17. Pravilnika o javnim nabavkama u Zavodu za planiranje razvoja Kantona Sarajevo („Službene novine Kantona Sarajevo“, broj: 17/23), učestvuje u izradi tenderske dokumentacije, te provede otvoreni postupak predmetne javne nabavke i izvrši izbor najpovoljnijeg kvalifikovanog ponuđača, na osnovu kriterija najniže cijene.

Rok za dostavu ponuda na Protokol Zavoda: 01.07.2024. godine do 12⁰⁰ sati. **Javno otvaranje ponuda istog dana (01.07.2024. godine) u 13⁰⁰ sati u Zavoda u Velikoj sali, 1. sprat.**

Ovo Rješenje stupa na snagu danom donošenja.

O b r a z l o ž e n j e

Predmetna nabavka je sastavni dio Plana nabavki za 2024. godinu (tačka 2.21 Plana nabavki), te se odnosi na nabavku usluge izrade studije „Upotrebna vrijednost i višenamjensko vrednovanje poljoprivrednih površina Kantona Sarajevo sa stanovišta specifičnih namjena i zahtjeva“ za potrebe izrade Prostornog plana Kantona Sarajevo. Izrada predmetne studije na bazi EU Corine metodologije (IV nivo klasifikacije) i ortofoto snimaka podrazumijeva sljedeće: analizu postojećeg stanja pokrivenosti/načina korištenja zemljišta i utvrđivanje vidljivih promjena pokrivenosti/načina korištenja šumskih, vještačkih i vodnih površina u periodu 2008.-2022. godina, ažuriranje bonitetnih kategorija zemljišta, agrozona poljoprivrednog zemljišta prema kategorizaciji, pedološke karte u skladu sa stanjem zemljišnog pokrivača, te agro-ekološko zoniranje, kako bi planski dokument bio kvalitetno urađen.

Procijenjena vrijednost javne nabavke: 124.500,00 KM.

U Komisiju za javne nabavke imenovani su zaposlenici Zavoda za planiranje razvoja Kantona Sarajevo, čiji je sastav predložen Zahtjevom za pokretanje postupka, broj: 07-45-1083/24 od 15.05.2024. godine.

Komisija će, shodno Zakonu i podzakonskim aktima, koji regulišu ovu oblast, učestvovati u pripremi tenderske dokumentacije, te izvršiti ocjenu ponuda i izbor najpovoljnijeg ponuđača.

Nabavka će se izvršiti putem otvorenog postupka, provođenjem e-Aukcije.

Komisija za javne nabavke će raditi u okviru redovnog radnog vremena u prostorijama Zavoda.



Dostavljeno:

- Imenovanim,
- Služba za javne nabavke,
- Arhiva.